



О'ZBEKISTON RESPUBLIKASI VAZIRLAR MAHKAMASINING QARORI

20 24 yil « 6 » may № 263

Toshkent sh.

Сифатли таълимни таъминлашда ижобий натижалар кўрсатаётган умумий ўрта таълим мактаблари раҳбарияти ҳамда ўқитувчиларига устама бериш тартибини жорий этиш чора-тадбирлари тўғрисида

Ўзбекистон Республикаси Президентининг “Ўзбекистон – 2030” стратегиясини “Ёшлар ва бизнесни кўллаб-кувватлаш йили”да амалга оширишга оид давлат дастури тўғрисида” 2024 йил 21 февралдаги ПФ–37-сон Фармони ижросини таъминлаш, шунингдек, таълим сифати кўрсаткичлари юқори бўлган, соғлом маънавий муҳит яратилган, ташкилий ишларда намуна кўрсатган, шунингдек ўқувчилар билимини баҳолашнинг янги тартибини самарали ташкил этган умумий ўрта таълим мактабларининг раҳбарияти ҳамда ўқитувчиларини рағбатлантириш тартибини жорий этиш мақсадида Вазирлар Маҳкамаси қарор қиласди:

1. Ўзбекистон Республикаси Президентининг 2024 йил 21 февралдаги ПФ–37-сон Фармони билан:

умумтаълим мактабларида билимни баҳолашнинг янги тартиби жорий этилган мактаблар фаолиятини баҳолаш;

янги тизимни самарали жорий этган, таълим бериш йўналишида юқори кўрсаткичларга эришган ўқитувчиларга Давлат бюджетидан лавозим маошига ҳар ойлик 40 фойзгача устама бериш тартибини жорий қилиш назарда тутилганлиги маълумот учун қабул қилинсин.

2. Белгилаб қўйилсинки:

2023/2024 ўкув йилидан бошлаб ўқитиши ва билимни баҳолашнинг янги тартиби жорий этилган республикадаги 500 та умумий ўрта таълим мактабларининг ҳар бирига 2024/2025 ўкув йилидан бошлаб 2 тадан мактаб бириктирилиб, янги тизимнинг қамрови кенгайтирилади;

2024/2025 ўкув йилидан бошлаб ўқитиши ва билимни баҳолашнинг янги тартибини самарали жорий этган, ўқувчилари ижобий кўрсаткичларни қайд этаётган умумий ўрта таълим мактаблари раҳбарияти ҳамда ўқитувчиларига устама бериш тартиби жорий этилади;

раҳбарияти ва ўқитувчилари рағбатлантиришга тавсия этилган умумий ўрта таълим мактаблари рўйхати ҳар ўкув йили якунида эълон қилинади ҳамда кейинги бир ўкув йили давомида ушбу мактабнинг ўқитувчиларига мазкур қарорга мувофиқ раҳбарияти ҳамда ўқитувчиларнинг тариф ставкасига нисбатан 40 фойзгача устама берилади;

ушбу қарорнинг ижроси учун талаб этиладиган маблағлар 2024 йилда Ўзбекистон Республикаси Мактабгача ва мактаб таълими вазирлигига ажратилган маблағлар доирасида молиялаштирилади, 2025 йилдан бошлаб эса Давлат бюджети параметрларида назарда тутилади.

3. Сифатли таълимни таъминлашда ижобий натижаларга эришаётган умумий ўрта таълим мактаблари раҳбарияти ҳамда ўқитувчиларига устама бериш тартиби тўғрисидаги низом **иловага** мувофиқ тасдиқлансин.

4. Ўзбекистон Республикаси Мактабгача ва мактаб таълими вазирлиги манфаатдор вазирликлар ва идоралар билан биргаликда икки ой муддатда ўзлари қабул қилган норматив-хукуқий хужжатларни ушбу қарорга мувофиқлаштирун.

5. Мазкур қарорнинг бажарилишини назорат қилиш Ўзбекистон Республикаси мактабгача ва мактаб таълими вазири X.У. Умарова зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2024 йил “6” майдаги 263-сон қарорига
илова

**Сифатли таълимни таъминлашда ижобий натижаларга эришаётган
умумий ўрта таълим мактаблари раҳбарияти ҳамда ўқитувчилариға
устама бериш тартиби тўғрисида**

НИЗОМ

1-боб. Умумий қоидалар

1. Ушбу Низом ўқитиши ва ўқувчилик билимини баҳолашнинг янги тартибини самарали ташкил этиш орқали таълим сифатини таъминлашда ижобий натижаларга эришаётган умумий ўрта таълим мактабларининг (кейинги ўринларда – умумтаълим мактаблари) раҳбар ва педагог кадрларига устама бериш тартибини белгилайди.

2. Ушбу Низомда қуидаги асосий тушунчалар кўлланилади:

форматив баҳолаш – ўқитувчи ва ўқувчилик ўртасидаги узлуксиз фикр алмашиб жараёнидир. Фикр-мулоҳаза оғзаки ва ёзма, расмий ва норасмий бўлиши мумкин. Бу ўқув мақсадига эришиш учун ўқувчиларнинг кейинги ҳаракатларини мослаштириш учун ўқувчининг ютуқлари тўғрисида маълумот олишнинг узлуксиз жараёни ҳисобланади;

сумматив баҳолаш – ўқишининг маълум бир даврида (ўқув дастурининг бўлим ва боблари, чораклик, ўқув йили охирида) ўқувчининг давлат таълим стандарти ва ўқув дастурларида белгиланган компетенцияларни эгаллаганлик даражасини расмий баҳолаш жараёни бўлиб, тест, ёзма иш, оғзаки сухбат, лойиҳа иши, тақдимот ишлари, амалий машғулот, лаборатория иши, ижодий ишлар ва шу каби бошқа шакллар ёрдамида амалга оширилади;

боб бўйича сумматив баҳолаш (кейинги ўринларда – **БСБ**) – боб, бўлим якунида белгиланган компетенцияларни эгаллаганлик даражасини расмий баҳолаш жараёни;

чорак бўйича сумматив баҳолаш (кейинги ўринларда – **ЧСБ**) – чорак якуни бўйича белгиланган компетенцияларни эгаллаганлик даражасини расмий баҳолаш жараёни;

йиллик баҳо – ўқув йили якунига кўра ўқувчининг ўзлаштириш кўрсаткичи;

электрон журнал – ўқувчининг дарсдаги фаоллиги ҳақидаги маълумотлар ҳамда форматив ва сумматив баҳолаш натижалари қайд қилиб бориладиган тизим;

раҳбар кадрлар – умумтаълим мактаби директори ва унинг ўринбосарлари;

педагог кадрлар – умумтаълим мактабида фаолият юритаётган барча ўқитувчилар;

2-боб. Раҳбар ва педагог кадрларига устама тўланадиган умумтаълим мактаблари рўйхатини шакллантириш

3. Раҳбар ва педагог кадрларига устама тўланадиган умумтаълим мактаблари рўйхатини шакллантириш ушбу Низомга илова қилинган методика асосида амалга оширилади.

Раҳбар ва педагог кадрларига устама тўланадиган умумтаълим мактаблари рўйхатини шакллантириш учун Ўзбекистон Республикаси Мактабгача ва мактаб таълими вазирлигининг (кейинги ўринларда – Вазирлик) ҳудудий бошқармаларида доимий равишда ишлайдиган Мониторинг гуруҳлари (кейинги ўринларда – Мониторинг гурухи) тузилади.

Мониторинг гурухи таркиби Ўзбекистон Республикаси мактабгача ва мактаб таълими вазирининг буйруғи билан тасдиқланади.

Мониторинг гурухи таркибига Директорлар кенгаши аъзолари ва фаол жамоатчилик вакиллари, Таълимни ривожлантириш республика илмий-методик маркази мутахассислари ҳамда хорижий эксперталар жалб қилиниши мумкин.

4. Раҳбар ва педагог кадрларига устама тўланадиган умумтаълим мактаблари рўйхатини шакллантириш қуидаги икки босқичда амалга оширилади:

а) 1-босқичда Мониторинг гуруҳи томонидан баҳолашнинг янги тартиби жорий этилган мактабларнинг электрон журнал маълумотлари асосида умумтаълим мактаблари ўқувчиларининг йиллик ўртacha баҳолари таҳлил қилинади ҳамда тегишли ҳудуднинг жами умумтаълим мактаблари сонига нисбатан энг яхши натижа кўрсатган биринчи 20 фоиз умумтаълим мактаблари саралаб олинади;

б) 2-босқичда 1-босқич доирасида саралаб олинган умумтаълим мактаблари Мониторинг гурухи томонидан қуидаги мезонлар асосида таҳлил қилинади:

баҳолашнинг янги тартиби бўйича тарғибот ишлари олиб борилганлиги ҳамда ўқувчилар билими белгиланган мезонлар асосида баҳолангандиги;

баҳолаш ишларининг тўғри йўлга қўйилганлиги;

фан йўналишлари бўйича услубий бирлашмалар БСБ таҳлиллари олиб борилганлиги ва ўқувчилар томонидан бажарилган лойиха ишлари таҳлили;

сўровномалар ўтказилганлиги ва уларнинг таҳлили.

5. Мониторинг гурухи баҳолашнинг янги тартиби жорий этилган умумтаълим мактаблари томонидан иккита босқич доирасида жами тўпланган баллардан келиб чиқиб, уларнинг ҳудудлар кесимидағи рўйхатини шакллантиради.

**3-боб. Саралаб олинган умумтаълим мактабларининг
раҳбар ва педагог кадрларига тўланадиган устама миқдорини
белгилаш тартиби**

6. 1-босқич якуни бўйича саралаб олинган ва 2-босқич доирасида таҳлил қилинган 20 фоиз умумтаълим мактабларининг раҳбар ва педагог кадрларига ушбу мактаблар томонидан иккита босқич доирасида жами тўпланган балларга қараб қўйидаги миқдорларда устама белгиланади:

T/p	Умумтаълим мактаблари	Устама миқдори
1.	таҳлил қилинган жами мактаблар сонига нисбатан баллар кетма-кетлигига энг яхши натижа кўрсатган биринчи 5 фоиз умумтаълим мактаблари	40 фоиз
2.	таҳлил қилинган жами мактаблар сонига нисбатан баллар кетма-кетлигига энг яхши натижа кўрсатган кейинги 10 фоиз умумтаълим мактаблари	30 фоиз
3.	таҳлил қилинган жами мактаблар сонига нисбатан баллар кетма-кетлигига энг яхши натижа кўрсатган кейинги 15 фоиз умумтаълим мактаблари	20 фоиз
4.	таҳлил қилинган қолган умумтаълим мактаблари	10 фоиз

Мониторинг гуруҳлари юқоридаги тақсимот асосида раҳбар ва педагог кадрларига устама тўланадиган умумтаълим мактаблари рўйхатини Вазирликка тақдим этади.

Умумтаълим мактабларининг раҳбар ва педагог кадрларига устама тўлаш Ўзбекистон Республикаси мактабгача ва мактаб таълими вазирининг буйруғи асосида амалга оширилади.

Бунда устама баҳолаш ўтказилган ўқув йилидан кейин келадиган ўқув йилидан (1 сентябрдан) бошлаб бир календарь йил давомида тўланади.

4-боб. Шикоят қилиш тартиби

7. Мониторинг гуруҳлари ўтказган ўрганишлар натижасидан норози бўлган умумтаълим мактаблари Вазирликда ташкил этиладиган Апелляция комиссиясига шикоят қилишлари мумкин.

Апелляция комиссияси Ўзбекистон Республикаси мактабгача ва мактаб таълими вазирининг буйруғига кўра 5–7 кишидан иборат таркибда тузилади ҳамда унинг иш тартиби тасдиқланади.

8. Апелляция комиссияси таркибига Мониториг гуруҳи таркибидан аъзо киритилмайди.

Апелляция комиссияси аризаларни (шикоятларни) кўриб чиқиш жараёнига жамоатчилик асосида малакали мутахассисларни жалб этиши мумкин.

Апелляция комиссияси йигилишида комиссия аъзоларининг ярмидан кўпи иштирок этса, унинг қабул қилган қарори қонуний кучга эга бўлади.

9. Ариза (шикоят) рўйхатга олинган кундан бошлаб ўн иш кунида кўриб чиқилади.

10. Апелляция комиссияси таҳлил натижаларига оид мурожаатни кўриб чиқиб, баҳолаш натижаларини ўзгартиришсиз қолдириш ёки ўзгартириш тўғрисида қарор қабул қиласди.

Апелляция комиссияси қарорининг нусхаси мурожаат этувчи умумтаълим мактаби раҳбарига апелляция комиссияси қарори чиқсан кундан эътиборан беш иш кунида тақдим этилади.

5-боб. Якунловчи қоидалар

11. Умумтаълим мактабларининг раҳбар ва педагог кадрлари устама олиш учун баҳолаш ўтказилган ўқув йилида (I-IV чораклар давомида) тўлиқ ишлаган бўлишлари лозим.

Устама умумтаълим мактаблари раҳбар ва педагог кадрларининг ойлик маошларига қўшиб тўланади.

12. Ушбу Низом юзасидан келиб чиқадиган низоли масалалар қонунчилик ҳужжатларида белгиланган тартибда ҳал этилади.

Сифатли таълимни таъминлашда ижобий натижаларга эришаётган умумий ўрта таълим мактаблари раҳбарияти ҳамда ўқитувчиларига устама бериш тартиби тўғрисидаги низомга илова

Раҳбар ва педагог кадрларига устама тўланадиган умумий ўрта таълим мактаблари рўйхатини шакллантириш МЕТОДИКАСИ

1. Раҳбар ва педагог кадрларига устама тўланадиган умумий ўрта таълим мактаблари (кейинги ўринларда – умумтаълим мактаблари) рўйхатини шакллантириш қуидаги икки босқичда амалга оширилади:

1-БОСҚИЧ

2. Мониторинг гурӯҳи томонидан баҳолашнинг янги тартиби жорий этилган умумтаълим мактаблари ўқувчиларининг йиллик ўртача баҳолари таҳлил қилинади ҳамда ушбу босқичга ажратилган **100 балл** 1-жадвалда кўрсатилган тартибда тақсимланади:

1-жадвал

Баҳолаш мезони	Кўрсаткич	Балл
Умумтаълим мактаблари ўқувчиларининг барча фанлар бўйича йиллик ўртача баҳоси (олиниши мумкин бўлган максимал баҳога нисбатан фоизда)	86 фоиз ва ундан юқори бўлса	100
	71 – 85 фоиз оралиғида бўлса	80
	55 – 70 фоиз оралиғида бўлса	60
	40 – 54 фоиз оралиғида бўлса	40
	30 – 39 фоиз оралиғида бўлса	20
	30 фоиздан паст бўлса	0

3. Умумтаълим мактаблари тўпланган баллар асосида (энг катта баллдан энг кичик баллга қараб, юқоридан пастга) сараланади ҳамда эгаллаган ўрнига қараб жами мактабларнинг энг яхши натижа кўрсатган (рўйхат бўйича биринчи) 20 фоизи танлаб олинади.

Тенг балл жамғарган умумтаълим мактаблари сони жами мактабларнинг 20 фоизидан кўп бўлса, Мониторинг гурӯҳлари томонидан қўшимча таҳлиллар ўтказилади ҳамда чораклар давомида нисбатан барқарор натижа кўрсатган мактаблар танлаб олинади.

4. Танлаб олинган мактабларда 2-босқич мезонларига кўра таҳлиллар ўтказилади.

2-БОСҚИЧ

5. Танлаб олинган умумтаълим мактаблари Мониторинг гуруҳи томонидан 2-жадвалда келтирилган мезонларга мувофиқ таҳлил қилинади:

2-жадвал

T/p	Мезонлар	Балл
1	Баҳолашнинг янги тартиби бўйича тарғибот ишлари олиб борилганлиги ҳамда ўқувчилар билими белгиланган мезонлар асосида баҳолангандиги	25
2	Баҳолаш ишларининг тўғри йўлга қўйилганлиги	25
3	Услубий бирлашмаларда БСБ таҳлиллари олиб борилганлиги ва ўқувчилар томонидан бажарилган лойиҳа ишлари таҳлили	20
4	Сўровномалар ўтказилганлиги ва уларнинг таҳлили	30
Жами		100

1. Баҳолашнинг янги тартиби бўйича тарғибот ишлари олиб борилганлиги ҳамда ўқувчилар билими белгиланган мезонлар асосида баҳолангандиги

6. Умумтаълим мактабларининг ушбу мезон бўйича қўрсаткичини аниқлаш учун уларда баҳолашнинг янги тартиби бўйича тарғибот стендларининг мавжудлиги ва БСБ белгиланган тартибда амалга оширилганлиги таҳлил қилинади ҳамда мезонга ажратилган **25** балл 3-жадвалда қўрсатилган тартибда тақсимланади:

3-жадвал

Баҳолаш мезони	Кўрсаткич	Балл
Баҳолашнинг янги тартиби бўйича тарғибот стендларининг мавжудлиги <i>(5 балл)</i>	Стендларда баҳолашнинг янги тартиби ҳақидаги маълумотларнинг мавжудлиги	2
	Стендларда синфлар рейтинги ҳақидаги маълумотларнинг мавжудлиги	3
БСБ мезони ва таҳлили, БСБ топшириқларининг мезон асосида текширилганлиги <i>(20 балл)</i>	Мезон ва таҳлил йиғмажилларининг талаб даражасида юритилиши (жорий ўқув йили учун ҳар бир фандан, ҳар бир синф кесимида тақвим режа асосида берилган БСБ топшириқлари ҳамда уларнинг мезонлари мавжудлиги)	5
	Жорий ўқув йили учун ўқувчилар ишларининг мавжудлиги	10
	Ўқувчилар ишларининг мезон асосида текширилганлиги	5

2. Баҳолаш ишларининг тўғри йўлга қўйилганлиги

7. Умумтаълим мактабларининг ушбу мезон бўйича кўрсаткичини аниқлаш учун уларнинг ЧСБ йиғмажиллари, “e-Maktab” платформасига БСБ ва ЧСБ натижаларининг киритилиши таҳлил қилинади ҳамда мезонга ажратилган **25 балл** 4-жадвалда кўрсатилган тартибда тақсимланади:

4-жадвал

Баҳолаш мезони	Кўрсаткич	Балл
ЧСБ натижаларининг ҳаққонийлиги (15 балл)	ЧСБ натижаларини ҳаққоний қўйилгани	10
“e-Maktab” платформасидан фойдаланиш ҳолати (10 балл)	ЧСБ йиғмажилларининг юритилиши ва натижалар таҳлилиниң мавжудлиги	5
	“e-Maktab” платформасига БСБ ва ЧСБ натижаларининг ўз вақтида киритилиши	5
	“e-Maktab” платформасидан унумли фойдаланиш самарадорлиги (платформага юкланган сумматив баҳолаш материалларидан фойдаланиши, баҳолаш курсларидан ўтилганлиги)	5

Изоҳ. Баҳолар ҳаққоний қўйилмаганлиги аниқланганда барча тўплаган баллари бекор қилинади ҳамда ушибу мактаб раҳбар ва педагог кадрларига устамиа тўланадиган мактаблар рўйхатидан чиқарилади.

3. Услубий бирлашмаларда БСБ таҳлиллари олиб борилганлиги ва ўқувчилар томонидан бажарилган лойиҳа ишлари таҳлили

8. Умумтаълим мактабларининг ушбу мезон бўйича кўрсаткичини аниқлаш учун Услубий бирлашмаларда БСБ таҳлиллари олиб борилганлиги ва ўқувчилар томонидан бажарилган лойиҳа ишлари таҳлил қилинади ҳамда мезонга ажратилган **20 балл** 5-жадвалда кўрсатилган тартибда тақсимланади:

5-жадвал

Баҳолаш мезони	Кўрсаткич	Балл
Услубий бирлашмаларда БСБ таҳлиллари олиб борилганлиги (10 балл)	Услубий бирлашма йиғмажилдида БСБ таҳлиллари хulosаларининг мавжудлиги (электрон ёки қофоз шаклида)	5
Лойиҳа ишлари (10 балл)	Хulosалар асосида ишлаб чиқилган тавсиялар мавжудлиги (электрон ёки қофоз шаклида)	5
	Фанлар кесимида ўқувчилар томонидан бажарилган лойиҳа ишларининг мавжудлиги (электрон ёки модель шаклида)	5

	Фанлар кесимида ўқувчилар томонидан бажарилган лойиҳа ишларининг мезон асосида баҳоланганилиги	5
--	--	---

4. Сўровномалар ўтказилганлиги ва уларнинг таҳлили

9. Умумтаълим мактабларининг ушбу мезон бўйича қўрсаткичини аниқлаш учун унинг раҳбарияти томонидан ўқитувчилар, ўқувчилар, уларнинг ота-оналари билан тушунтириш ишлари олиб борилганлиги ва сўровномалар ўтказилганлиги таҳлил қилинади ҳамда мезонга ажратилган **30** балл 6-жадвалда кўрсатилган тартибда тақсимланади:

6-жадвал

Баҳолаш мезони	Кўрсаткич	Балл
Ота-оналар билан тушунтириш ишларининг олиб борилганлиги <i>(10 балл)</i>	Мактаб раҳбариятининг ота-оналар билан қайта алоқада бўлганлиги	4
	Ота-оналар ўртасида сўровномалар ўтказилганлиги	6
Баҳолашнинг янги тартиби тўғрисида ўқитувчиларнинг етарли маълумотга эга эканлиги <i>(10 балл)</i>	Ўқитувчиларнинг баҳолашнинг янги тартибини жорий этиш билан боғлиқ хужжатлар билан таниш эканлиги	3
	Мактаб раҳбарияти билан ўқитувчилар ўртасида мунтазам мулоқотнинг мавжудлиги	3
	Ўқитувчилар ўртасида сўровномалар ўтказилганлиги	4
Ўқитувчиларнинг баҳолашнинг янги тартиби тўғрисида маълумотга эга эканлиги <i>(10 балл)</i>	Мактаб раҳбарияти, синф раҳбарлари, фан ўқитувчилари ва ўқувчилар ўртасида қайта алоқанинг мавжудлиги	3
	Ўқитувчилар баҳолашнинг янги тартибининг мақсади ва моҳиятини тушунганлиги	3
	Ўқитувчилар ўртасида сўровномалар ўтказилганлиги	4

10. Юқоридаги мезонлар асосида тўплаган балларга кўра умумтаълим мактабларининг раҳбар ва педагог кадрларига Сифатли таълимни таъминлашда ижобий натижаларга эришаётган умумий ўрта таълим мактаблари раҳбарияти ҳамда ўқитувчиларига устама бериш тартиби тўғрисидаги низомда белгиланган миқдор ва муддатларда устама тўланади.

